



**ՀՀ ԵՐԵՎԱՆ քաղաքի Կենտրոն և Նորք-Մարաշ վարչական շրջանների ընդհանուր վարչական շրջանների ընդհանուր ղեկավարի ԻՐԱՎԱՍՈՒԹՅԱՆ ԱՌԱՋԻՆ ԱՏՅԱՆԻ ԴԱՏԱՐԱՆԻ Ո Ր Ո Շ Ո Ւ Մ**

*պատասխանողի և նրա գույքի նկատմամբ հետախուզում հայտարարելու և գործի վարույթը կասեցնելու մասին*

«24» հուլիսի 2012թ.

ք. Երևան

ՀՀ Երևան քաղաքի Կենտրոն և Նորք-Մարաշ վարչական շրջանների ընդհանուր իրավասության առաջին ատյանի դատարանը, նախագահությամբ՝ դատավոր Ա. Մելքումյանի, քարտուղարությամբ՝ Ա. Գալիկյանի, մասնակցությամբ հայցվորի ներկայացուցիչ Ա. Վարելյանի՝ դմբաց դատական նիստում քննության առնելով ըստ հայցի՝ «Ինֆորմացիայի ազատության կենտրոն» հասարակական կազմակերպության ընդդեմ «Համալսարանականներ» համատիրության՝ պահանջվող տեղեկատվություն տրամադրելուն, այն հանրության համար մատչելի վայրում հրապարակելուն պարտավորեցնելու պահանջների մասին հա. ԵԿԴ/2533/02/11 քաղաքացիական գործով հայցվորի ներկայացուցիչ Ա. Վարելյանի գրավոր միջնորդությունը՝ պատասխանողի և նրա գույքի նկատմամբ հետախուզում հայտարարելու մասին.



**Պ Ա Ր Ձ Ե Ց**

Հայցվոր՝ «Ինֆորմացիայի ազատության կենտրոն» հասարակական կազմակերպության ներկայացուցիչ Ա. Վարելյանը դիմելով դատարանին, խնդրել է պատասխանող «Համալսարանականներ» համատիրության՝ պահանջվող տեղեկատվություն տրամադրելուն, այն հանրության համար մատչելի վայրում հրապարակելուն պարտավորեցնելու պահանջների մասին:

Վերոհիշյալ հայցադիմումը ՀՀ Երևան քաղաքի Կենտրոն և Նորք-Մարաշ վարչական շրջանների ընդհանուր իրավասության առաջին ատյանի դատարանի 2012 թվականի հոկտեմբերի 31-ի որոշմամբ ընդունվել է վարույթ և նշանակվել դատական քննության:

Հայցադիմումում նշված՝ ք. Երևան, Ալեք Մանուկյան 4-րդ հարկ և ք. Երևան Ծարավ Աղբյուրի փողոց թիվ 55/5, հասցեներով պատասխանող «Համալսարանականներ» համատիրությանը հնարավոր չի եղել պատշաճ կարգով ծանուցել դատական նիստի ժամանակի և վայրի մասին, քանի որ դատարանի կողմից տվյալ հասցեով ուղարկված փաստաթղթերը, այդ թվում՝ ծանուցումը, հետ են վերադարձվել դատարան՝ փոստատարի հետևյալ մակագրությամբ՝ տեխնիկական եմ, այսինքն՝ գործով հնարավոր չի եղել ապահովել պատասխանողի պատշաճ ծանուցումը:

Ի պատասխան դատարանի՝ ՀՀ քաղաքացիական դատավարության օրենսգրքի 94 հոդվածի 1-ին մասով սահմանված կարգով վարչական շրջանի ղեկավարին ուղղված 17.04.2012 թվականի գրության՝ Ավան վարչական շրջանի ղեկավար պարոն Մ. Ջավադյանին, և 09.07.2012 թվականին դատարան մուտքագրված գրությամբ հայտնվել է, որ «Համալսարանականներ» համատիրությանը փոստային առաքմամբ ուղարկվել է ծանուցագիրը, որը վերադարձվել է «անհայտ» նշումով:

Հայցվորի ներկայացուցչի կողմից ներկայացվել է միջնորդություն, որով վերջինս դատարանից խնդրել է պատասխանող «Համալսարանականներ» համատիրության

նկատմամբ հայտարարել հետախուզում՝ հայցադիմումում նշված հասցեով պատասխանողի չգտնվելու հանգամանքից ելնելով:

Դատարանը, քննարկելով միջնորդությունը, գտնում է, որ այն հիմնավոր է և ենթակա է բավարարման, քանի որ պատասխանող «Համալսարանականներ» համատիրությանը հայցադիմումում նշված՝ ք. Երևան, Ալեք Մանուկյան 4-րդ հարկ և ք. Երևան Ծարավ Աղբյուրի փողոց թիվ 55/5, հասցեներով ուղարկված փաստաթղթերը հետ են վերադարձվել դատարան, իսկ պատասխանողի ճշգրտված այլ փաստացի գտնվելու վայրի հասցե դատարանին և հայցվոր կողմին հայտնի չէ, այդ իսկ պատճառով անհնարին է վերջինիս պատշաճ ծանուցել դատական նիստի վայրի և ժամանակի մասին՝ վերջինիս գտնվելու վայրի վերաբերյալ տեղեկությունների բացակայության պատճառով, միաժամանակ, ՀՀ քաղաքացիական դատավարության օրենսգրքի 94 հոդվածի 1-ին մասով սահմանված կարգով նույնպես անհնարին է եղել ապահովել պատասխանողի պատշաճ ծանուցումը, ինչը նշանակում է, որ այլ կերպ հնարավոր չէ ապահովել պատասխանողի պատշաճ ծանուցումը՝ գործի դատաքննությունն իրականացնելու նպատակով:

Վերոգրյալների հիման վրա և ղեկավարվելով ՀՀ քաղաքացիական դատավարության օրենսգրքի 94 հոդվածի 2-4 մասերով, 106 հոդվածի 1-ին մասի 2-րդ կետով, 108 հոդվածի 1-ին և 2-րդ մասերով, 144 հոդվածի 1-ին, 1<sup>1</sup>-ին և 2-րդ մասերով, 144<sup>1</sup> հոդվածի 2-րդ մասով, 145 հոդվածով, դատարանը՝

### Ո Ր Ո Շ Ե Ց

Միջնորդությունը բավարարել:

Պատասխանող «Համալսարանականներ» համատիրության և վերջինիս գույքի (ք. Երևան, Ալեք Մանուկյան 4-րդ հարկ և ք. Երևան Ծարավ Աղբյուրի փողոց թիվ 55/5, հասցեով) նկատմամբ հայտարարել հետախուզում:

Որոշման կատարումը հանձնարարել ՀՀ ԱՆ ԴԱՀԿ ապահովող ծառայությանը:

ՀՀ ԱՆ ԴԱՀԿ ապահովող ծառայությանը հանձնարարել պատասխանող «Համալսարանականներ» համատիրությանը և վերջինիս գույքը հայտնաբերելու դեպքում՝ այդ մասին անհապաղ հայտնել դատարանին:

Ըստ հայցի՝ «Ինֆորմացիայի ազատության կենտրոն» հասարակական կազմակերպության ընդդեմ «Համալսարանականներ» համատիրության՝ պահանջվող տեղեկատվություն տրամադրելուն, այն հանրության համար մատչելի վայրում հրապարակելուն պարտավորեցնելու պահանջների մասին հա. ԵԿԴ/2533/02/11 քաղաքացիական գործի վարույթը կասեցնել՝ մինչև պատասխանողի և նրա գույքի հայտնաբերելը:

Գործի վարույթը կասեցնելու մասով սույն որոշումը կարող է բողոքարկվել վերաքննության կարգով այն հայցվորի կողմից ստանալուց հետո՝ եռօրյա ժամկետում, իսկ մնացած մասով որոշումն ուժի մեջ է մտնում ընդունման պահից և ենթակա է անհապաղ կատարման:

ԴԱՏԱՎՈՐ՝



Ա. ՍԵԼԵՈՒՄՅԱՆ